

I. DISPOSICIÓN XERAIS

MINISTERIO DE INDUSTRIA, TURISMO E COMERCIO

13429 *Corrección de erros do Real decreto 560/2010, do 7 de maio, polo que se modifican diversas normas regulamentarias en materia de seguridade industrial para adecualas á Lei 17/2009, do 23 de novembro, sobre o libre acceso ás actividades de servizos e o seu exercicio, e á Lei 25/2009, do 22 de decembro, de modificación de diversas leis para a súa adaptación á Lei sobre o libre acceso ás actividades de servizos e o seu exercicio.*

Advertidos erros no Real decreto 560/2010, do 7 de maio, polo que se modifican diversas normas regulamentarias en materia de seguridade industrial para adecualas á Lei 17/2009, do 23 de novembro, sobre o libre acceso ás actividades de servizos e o seu exercicio, e á Lei 25/2009, do 22 de decembro, de modificación de diversas leis para a súa adaptación á Lei sobre o libre acceso ás actividades de servizos e o seu exercicio, publicado no «Boletín Oficial del Estado», suplemento en lingua galega ao número 125, do 22 de maio de 2010, cómpre efectuar as oportunas rectificacións:

Na páxina 3, ao final do primeiro parágrafo débese engadir a frase: «A autoridade competente poderá verificar esa capacidade conforme o disposto no artigo 15 do Real decreto 1837/2008, do 8 de novembro».

Na páxina 23, número dez, onde di: «O instalador en baixa tensión deberá desenvolver a súa actividade no seo dunha empresa instaladora de gas...», debe dicir: «O instalador en baixa tensión deberá desenvolver a súa actividade no seo dunha empresa instaladora de baixa tensión...».

Na páxina 31, número catorce, onde di: «Catorce. O número 7.b) do anexo II do Real decreto 836/2003, do 27 de xuño,...», debe dicir: «Catorce. O número 7.b) do anexo II da Instrución técnica complementaria MIE-AEM 2...»

Na mesma páxina, número quince, onde di: «Quince. O anexo V do Real decreto 836/2003, do 27 de xuño, queda substituído polo seguinte:», debe dicir: «Quince. O anexo V da Instrución técnica complementaria MIE-AEM 2 queda substituído polo seguinte:»

Na páxina 34, onde di: «Dezaseis. O número 3 do anexo VI do Real decreto 836/2003, do 27 de xuño, queda substituído polo seguinte:

«3. Requisitos para a obtención do carné.

A obtención do carné pódese realizar por dúas vías. Por un lado, requirirá a concorrencia dos seguintes requisitos:

- a) Ser maior de idade.
- b) Estar en posesión do título de graduado en educación secundaria obrigatoria.
- c) A superación dun curso teórico-práctico impartido por unha entidade acreditada polo órgano competente da comunidade autónoma onde se realice o curso.
- d) A superación dun exame realizado polo órgano competente da comunidade autónoma onde se realizou o curso indicado no parágrafo anterior.

Por outro lado, obterase directamente o carné de guindastrista ou operador de guindastre torre cando se dispoña dun título de formación profesional ou dun certificado de profesionalidade incluído no Catálogo Nacional de Cualificacións Profesionais, cuxo ámbito competencial coincida coas materias obxecto do Regulamento de aparellos de elevación e a súa manutención, aprobado polo Real decreto 2291/1985, do 8 de novembro, e desta instrución técnica complementaria.

En ambos os casos, superarase un exame médico sobre agudeza visual, sentido da orientación, equilibrio, e agudeza auditiva e aptitudes psicolóxicas.»»

Debe dicir:

«Dezaseis. O número 3 do anexo VI da Instrución técnica complementaria MIE-AEM 4 queda substituído polo seguinte:

"3. Requisitos para a obtención do carné.

A obtención do carné pódese realizar por dúas vías. Por un lado, requirirá a concorrencia dos seguintes requisitos:

- a) Ser maior de idade.
- b) Estar en posesión do título de graduado en educación secundaria obrigatoria.
- c) Superar un exame médico sobre agudeza visual, sentido da orientación, equilibrio e agudeza auditiva e aptitudes psicolóxicas.
- d) A superación dun curso teórico-práctico impartido por unha entidade acreditada polo órgano competente da comunidade autónoma onde se realice o curso.
- e) A superación dun exame realizado polo órgano competente da comunidade autónoma onde se realizou o curso indicado no parágrafo anterior.

Por outro lado, obterase directamente o carné de guindastrista ou operador de guindastre torre cando se dispoña dun título de formación profesional ou dun certificado de profesionalidade incluído no Catálogo Nacional de Cualificacións Profesionais, cuxo ámbito competencial coincida coas materias obxecto do Regulamento de aparellos de elevación e a súa manutención, aprobado polo Real decreto 2291/1985, do 8 de novembro, e desta instrución técnica complementaria. Tamén neste caso hai que superar un exame médico sobre agudeza visual, sentido da orientación, equilibrio, e agudeza auditiva e aptitudes psicolóxicas.»»

Na páxina 34, artigo noveno, número un, onde di: «... considerarase cumprida a exigencia establecida na letra c) do artigo 5.10 da Instrución técnica complementaria...», debe dicir: «... considerarase cumprida a exigencia establecida na letra d) do número 5.10 da Instrución técnica complementaria...».

Na páxina 38, onde di: «Sete. O número 3 do anexo VII do Real decreto 837/2003, do 27 de xuño, queda redactado como segue:

"3. Requisitos para a obtención do carné.

A obtención do carné pódese realizar por dúas vías. Por un lado, requirirá a concorrencia dos seguintes requisitos:

- a) Estar en posesión do título de graduado en educación secundaria obrigatoria.
- b) Ter cumpridos os 18 anos no momento de realizar a solicitude do curso que se cita na alínea c).
- c) Superar un curso teórico-práctico impartido por unha entidade acreditada polo órgano competente da comunidade autónoma.
- d) Superar un exame teórico-práctico realizado polo órgano competente da comunidade autónoma en que radique a entidade que impartiu o curso.

Por outro lado, obterase directamente o carné de operador de guindastre móbil autopropulsado cando se dispoña dun título de formación profesional ou dun certificado de profesionalidade incluído no Catálogo Nacional de Cualificacións Profesionais, cuxo ámbito competencial coincida coas materias obxecto do Regulamento de aparellos de elevación e a súa manutención, aprobado polo Real decreto 2291/1985, do 8 de novembro, e desta instrución técnica complementaria.

En ambos os casos, superarase un exame médico, psicotécnico e físico, específico para este tipo de actividades, que inclúe exame sobre agudeza visual, sentido da orientación, equilibrio e agudeza auditiva."»

Debe dicir:

«Sete. O número 3 da Instrución técnica complementaria MIE-AEM 4, queda redactado como segue:

"3. Requisitos para a obtención do carné.

A obtención do carné pódese realizar por dúas vías. Por un lado, requirirá a concorrencia dos seguintes requisitos:

- a) Estar en posesión do título de graduado en educación secundaria obrigatoria.
- b) Ter feitos os 18 anos no momento de realizar a solicitude do curso que se cita na alínea c).
- c) Superar un curso teórico-práctico impartido por unha entidade acreditada polo órgano competente da comunidade autónoma.
- d) Superar un exame teórico-práctico realizado polo órgano competente da comunidade autónoma en que radique a entidade que impartiu o curso.
- e) Superar un exame médico, psicotécnico e físico, específico para este tipo de actividade, que inclúe exame de agudeza visual, sentido da orientación, equilibrio e agudeza auditiva.

Por outro lado, obterase directamente o carné de operador de guindastre móbil autopropulsado cando se dispoña dun título de formación profesional ou dun certificado de profesionalidade incluído no Catálogo Nacional de Cualificacións Profesionais, cuxo ámbito competencial coincida coas materias obxecto do Regulamento de aparellos de elevación e a súa manutención, aprobado polo Real decreto 2291/1985, do 8 de novembro, e desta instrución técnica complementaria. Tamén, neste caso, hai que superar un exame médico, psicotécnico e físico, específico para este tipo de actividades, que inclúe exame sobre agudeza visual, sentido da orientación, equilibrio e agudeza auditiva."»

Nas páxinas 58 e 59, no artigo décimo sexto, onde di: «Real decreto 2068/2008», debe dicir: «Real decreto 2060/2008».